



91



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS;

*manè discutienda, in Scholis Medicorum, die Martis vigesima-secundâ
mensis Julii, anno Domini M. DCC. LXXVII.*

MAGISTRO ANTONIO CASAMAJOR, Censore Regio;
Doctore Medico, Præfide.

An nebulofo tempore seminis Badian usus?

L

INGENS disputandi campus aër. Duplicem vulgò distinguunt Physici, elementarem & atmosphæricum. Elementaris singula naturæ corpora ingreditur; hunc multiplici sub formâ eduxerunt Chimici, multiplicemque ejus speciem esse detexerunt (a). Verùm atmosphæricum præcipuè Medicus considerat, quem spiritu trahimus vicissim & reddimus. Ille cogitari potest, innuente Boerrhaviò, *calos universale in quo omnis fermè generis corpuscula simul confusa constituunt aggregatum diversissimis constans rebus; &c.* Necessaria aëris aëtiò in œconomiam animale; ab illo vitæ & sanitatis, ut morbi

(a) MM. Ha-
les, Macbride,
Jacquin, Priest-
ley, Lavoisier,
Bucquet.

ac interitus insignes ducimus causas; animus ipse, instar corporis, ob intimum utriusque commercium, modo ineluctabili crebro afficitur, pro variis scilicet vitalis aëris proprietatibus, ac qualitatibus diversis. Proprietates eae sunt gravitas, tenuitas, pellacitas, fluiditas, mobilitas, compressibilitas, elaterium, &c. &c. Qualitatibus vero adscribuntur calor, frigus, siccitas & humiditas. Ex his quicquid eminuerit, haud levis in oeconomiam animalem momenti esse potest. Id autem præcipue advertendum est; nempe aëri quædam insita vis absorbens quæ sit ut aliquatenus calens immensam aquæ copiam possit combibere, ac videatur in suam-met substantiam convertere. Hæc dum modicè admixta, & altius evecta in tenuiores ita dispersa moleculas, tunc suda est tempestas & sydera nitent arces, radiante phœbo & amictu cæruleo conspicuæ. Si verò collecti admodum, nimisque addensati aquei vapores, orbi propius incumbant, tunc atræ nubes obvelant nobis sydera, moxque imbres & pruinae, nix & grando terras minitantur; inde scaturiunt mille fontes, decurrunt rivi, & passim turgescunt flumina. Hæc autem effluvia non aqueo latice prorsus exiunt atmosphæram; quare pro diversâ imprægnante lymphæ copîâ, diversâ oritur illius constitutio sedulo notanda. Jam verò nostros in præsentis una præsertim detinet animos: nempe si aëris humiditati frigus accesserit, vaporesque alti tempus nubilum effecerint. Hinc etenim longa oritur catarrhorum ilias, oris parisiensius adeo familiaris: felices adhuc urbanos, si lues epidemica densæ ac continuæ non secum ferant nebulae, qualem grassatam fuisse novimus anno 1763, & novissimè sub finem anni 1775 ac sequentis initium. Atroces verò tempestatis minas ridet ars Prophylactica; simplex infusi cuiusdam aromatici usus noxios horum effectus ut debellare, sic & præcavere idoneus est. *Badian* tunc semina præ aliis primatum mereri, tutoque, etiâ à sanis, posse usufuari confidimus.

I L

QUAM brevis apud Lapones corporum statura! non idèo tamèn sanitatis vigorem, longævitatēque arcet frigus penetrabile. Sed quàm molli dissolunt inertia laxè tumentes Batavi! quàm ampla, sed debilis machinæ moles! quàm torpida mens! scilicet quotuplici viâ corpus aër ingreditur, totuplici ratione potest, si vitiatum fuerit, illud inficere. Potest quidem deglutitus turbare digestionem depresso ventriculi tubique appensi tono; ventrisque tormina, tenesmos ac tristes ciere diarrhæas. Cutem cui applicatur, nihil humidus relaxat, constringit unâ frigido. Hinc oriuntur ejus inertia & infarctus; hinc sensatio frigidi diu importuna cum motu horrifico. Hinc seri intus repulsio de textu in textum depluentis; hinc dolores vagæ-rheumatici, mentientes mox arthritidem, ubi serum hostile debiles excipiunt articuli. Tunc nec mentis nitet hilaritas, nec ad studium laboremve grata propensio. Si quæ autem pars delicatulo in corpore languescat imbecillior, hinc subito prorumpens hospes importunus, luctus mille accersit novos, renovatque antiquos calorum, ac cicatricum dolores, si non insultus podagricos, spasmodicos, asthmaticos. Nec minùs pulmonis officit humido-frigida aëris intemperies, hujus exhalationem coercens, quâ nullam copiosiorē esse nemo nescit; undè angina, gravedo, catarrhus. Depravatur & ipse actus respirationis: quàm dolet enim-verò, quàm dire constringitur pectus apud imbelles præsertim foeminas quæ pro aëre acres inspirant nebulas ipsi conjunctivæ sensibiles! Igitur ne corporibus hæc officiant, affertur hic nobis indicatio prophylactica; tonus nimis ventriculi excitandus, actio cordis refocillanda, ut & perspiratoria vires; nec non respirationis exhalationisque pulmonicæ facile reddendum munus. Porro calentis ope nec non subaromatici potus, hæc obtinentur omnia, sicque aguntur pulmones, ut hoc assumpto sputa statim erumpant facilius. Ergo etiâ à sanis quos durus non exercet labor, tutò usurpari poterit ille liquor. Quum verò *Badian* seminis infusum talem egregie scopum attingat, hujus nunc descriptionem delibandam esse ducimus.

PLANTÆ *Badian* ferentis genus ac specifici characteres nondum innotescunt. Fructus tantum nobis à sinâ, tartariâ & insulis Philippinis advehitur. Corpus est stellæ formam referens, quod sex, septem aut octo constat capsulis radiorum instar ad unum axim cœuntibus. Solidæ sunt illæ capsulæ, compressæ, formâ ferè triangulari, intus læves, extus rugosæ, colore rubiginoso, odore suavissimo anisum nostras spirante, sapore sub-acri, leniter pungente, jucundo: harum margo unus tenuis & minor axi cœhæret; superior convexus est, in medio angulosus, crassiusculus & scaber; tenuis verò inferior, longitudinaliter dehiscens, quâ contentum semen introspectitur. Semen porrò læve extus ac lucidum, gaudet figurâ ovali & subfusco colore, qualia lini seminibus inesse novimus. Levi constat amygdalam obducente pelliculâ; nempe emulsivum, molle & albicans corpus, sapore dulci se commendans & odore leni aromatico.

Laudati fructus naturâ ex chymicâ arte nobis innotescit. Nimirum ex *Badian*, ope balnei maris, obtinetur, 1.^o phlegma pellucidum, insipidum, inodorum. 2.^o Phlegma emulsi colorem ferè æmulans, ob interpolitas olei moleculas. 3.^o Oleum tenue, leve, flavescens, aromaticum. 4.^o Oleum gravius, spissius. In fundo cucurbitæ remanent cortex & parenchyma seminis *Badian* integra, exsucca & longè leviora: semen verò & capsulâ si distinctæ analysi subjiciantur, plûs olei essentialis ex illo, ex hæc autem resinæ copia major educitur.

Nunc si vires ejus medicas exploremus, ei deprehendemus inhærentem effectum tonicam, stomachicam, carminativam, incidentem, aperientem, emmenagogam. Undè optimo cum successu studiosis suadetur, debili ventriculo laborantibus, mulieribus præ nimia fibrarum laxitate infecundis. Sed omiſſa medicatrici virtute, phyſicæ tantum insitimus, quam mox evolvere animus est.

I V

A NISUM stellatum ad nocivos nebulosæ tempestatis effectus præcavendos reverâ prodesse, tonicis que aliis hunc ad finem præstare, jam incumbit probandum. Vulgò sub infusi formâ præscribitur, & ad usum medicum magis nuclei inclusi sive ipsa semina, quàm capsulæ feminales, expetuntur, hinc enim acredo major; illinc major ori suavitatis. Masticatum, ut sinensibus solemne est, ei gratum effundit anisi saporem, fragranti odore non minùs conspicuum. Suavem halitum efficit, & aëris impuri contagium eliminat. Vires suas hujus infusio, lenes tantum injiciendo stimulos, exerit, licet odore valens, tamèn expers acridinis. Nempe fibris tonum addit, totius que vasculosi systematis vires benignè exuscitat; hinc humores dividit, attenuat, fluxiliores reddit; hinc lenis cuti calor effunditur, hinc aquei vapores placidè & assatim volant per exiguissimæ cutis pulmonumque spiracula. Tunc oceani de purata moles, placido cursu gaudens, intrâ lberos canales facilè movetur, hinc suus nitet sanitatis honos, sua servatur functionum integritas.

Sed non sola ratio pro nobis militat, verum in medicis oraculum jure concessas fuisse peregrino semini laudes confirmat experientia. Præterquamquod enim theæ infuso longè præstet, pectori vim sub insensam paucis ab incepto usu diebus non exerens, illius instar; quin - inò quotidianus *Badian* usus sinenses roborat; hunc à pastu volutant in ore tum voluptatis, tum utilitatis causâ; hunc pæſidium habent, ferè dicam, universale, suum que ei debetur, quo valent, ad extremam senectutem usquè corporis & animi robur. Quando igitur sanitati humido-frigidus insidiatur aër, tam salubrem pretiosi seminis commendare usum amici munus est; nullum enim spondet nisi felicem eventum. Ipsi nuperrimè, hyeme scilicet antè ultimam elapsâ, solo illius usu, dum raucescine, tussi importunâ ac pertinaci vexa-

bantur ferè omnes, nos & amicos communi à labe prorsus immunes fecimus. Manè quidè & ad vesperam infusum *Badian* haurire solitum erat, quo perspirationi, exhalationi, viribus digestivis sic consulimus, grassantem sic lustrum epidemiam, ut sanitate illæsa, tempestatis nebuloso-contagiosæ pericula subire contigerit.

V.

QUANTUMVIS utile nobis videatur infusi vel masticati *Badian* usus, non tamen hunc adèdè generalem instituimus, ut indiscriminatim commendetur omnibus atque omni tempore. Illum impunè nescient qui duris acti laboribus immutati subeunt temporum discrimina: his nocet quos urget plethora, bilis ve adurit. Sedentarii homines, studiosi, pueri, delicatuli, imbelles fæminæ nunquàm sibi consulunt ampliùs, quàm si prædicto utantur semine. Infusum ejus cum lacte mixtum, salubriorem offeret cibum lacte solo qui talis urbi venit, qualis nocere potius quàm posse queat. Sicca aëris constitutio, brumali aut æstivo tempore, usum seminis haud requirit. Sic consulitur à naturâ ne continuus nimis haustus tonici fiat usu. Tu igitur calentem hic potum ne arguas, eumque ventriculo & debilibus idiosyncrasiis nociturum esse credideris. Potius enim grati & aromatici fors longè diversa quàm meræ tepentis aquæ nauseam cientis; theæ levis infusio fractum digestionem difficili non-ne reficit ventriculum? calentia carniùm jura nedùm illud debilitent, è contrâ roborant; calor enim ipse tunc tonicus est. Apage ergò vanam sollicitudinem. Instant nihilominus: quorsum medicamenta sanis exhibes? Ne scilicet morbus ambiens irruat, atque improvisos corripiens, aut naturæ in penetralia malignè irrepens, vitæ insidiatur. Minitantes morborum causas ut prævertere sapientis est Medici; cuicumque vitrea inest valetudo, utiles cautelas respuere piaculum. Comprobant autèm ratio & experientia, primò sanitati infensam esse nebulosam aëris humido-frigidi constitutionem; deindè saluberrimam ex simplici laudati seminis usu, posse contrâ illius nocivos effectus erui prophylaxim;

Ergò nebuloso tempore seminis Badian usus.

Proponēbat Parisiis JOANNES - BAPTISTA - CLAUDIUS JEANNET DES
LONGROIS, Arcyanus, apud Tricassinos, Saluberrimæ Facultatis
Medicinæ Parisiensis Baccalaureus, Theosop Ausor.

A. R. S. H. 1777. A SEXTA AD MERIDIEM.

Typis QUILLAV, Universitatis & Facultatis Medicinæ Typographi, 1777.